

Laizbinh: Eu Fwen Lwnhrox Gij Cingsaenz Ndaw Baugau Ngeihcib Daih Dangj Raeuz

来宾: 山歌宣传党的二十大精神

“Daihhoih baugau vix raeuz bae, Dangj gyaenz yinzminz sim doxrangh, bouboux caezhoz sim haeuj dangj, ien fwngz angqyangz byaij roen moq……” 10 nyied 22 hauh, Laizbinh Si Yinhwngz Yen Cwngzgvanh Cin Bansuij Cunh miz gyoengq vunz maij fwen caeuq vunzmbanj doxcomz youq henz dah naj mbanj, eu fwen lwnh vunzlai rox gij cingsaenz ndaw Baugau Ngeihcib Daih Dangj raeuz. (Fanz Saugvangh/樊绍光)



《Dungx Miz Sim Hoengzfwg》Soengq Hawj Ngeihcib Daih Dangj Raeuz

《心中那抹红》献礼党的二十大

Bonjbauq siusik (gicej Vangz Hauyinz/黄浩云) Geij ngoenz gonq, bonj saw moq 《Dungx Miz Sim Hoengzfwg》 youz Gvangjsih Minzcuz Cuz-banjse okbanj fathengz, bonj neix dangq faenh laex ndeu soengq hawj Ngeihcib Daih Dangj raeuz. Bonj neix aeu 32 bien sanjvwnz、30 souj sei langhbaij fuk doz gyaendei youz Gvangjsih gak cuz yinzminz ndaej Cunghgoz Gung-canjdangj lingjdauj cix cau-ok, gangj gij vah gyaenzmaij Dangj caeuq yinzminz, hawj gak cuz ganbu ginzcong lai haenq-rengz vih saedyienh aen loq-siengj Cungguek bae buekguh.




Gvangjsih Sam Nyied Sam Cazcise Ok Conhganh Soengqlaex Ngeihcib Daih Aendangj

广西三月三杂志社推出专刊献礼党的二十大

Mboengqneix, Gvangjsih Sam Nyied Sam Cazcise okbanj 《Sam Nyied Sam》(banj Sawcuengh) 2022 nienz geiz daihhaj——《Bonj Conhganh “Angqcoux Ngeihcib Daih • Haenq-rengz Byaij Lohmoq”》. Bonj conhganh neix moegdik dwg baijok Cibbet Daih Aendangj doxdaeuj, Guengjsae gak cuz yinzminz youq Aen dangjuncunghyangh aeu Siz Ginbingz dungzci guh cehsim haenx doxgiet dazyinx lajde, genhciz caeuq fazcanj gij sevei cuji miz daegsaek Cungguek aeundaiej cingzci

hungloet caeuq sanqfat ok gij cingsaenz mienhmauh ndei. Conhganh yungh gij fuengsik Sawcuengh Vwnzyoz, gangj ndei gij gojgaeq Guengjsae gak diuz cansen、gak cuz yinzminz doxgiet haenqrengz、dangrap sawjmingh、gensez ndei mbanjranz、haenqrengz yamq baenaj, couq-maenh gij eijsik caezcaemh Cunghvaz Minzcuz, youq ngoenz daegbied neix, soengqlaex hawj Ngeihcib Daih Dangj raeuz. (Veiz Yinyiz/韦运益)



Ginhsiu: Gangj Gun Gangj Yauz Lwnh Vunzlai Rox Gij Cingsaenz Ndaw Baugau Ngeihcib Daih Dangj Raeuz

金秀: 双语宣讲党的二十大精神

10 nyied 23 hauh, Ginhsiu Yauzcuz Swciyen Lozyangh Yangh comz vunz haeuj Hwngzcunh aen mbanj Yauzcuz ndaw yangh neix, gangj Gun gangj Yauz lwnh vunzlai rox gij cingsaenz ndaw Baugau Ngeihcib Daih Dangj raeuz, hawj vunzlai cungj rox gij cingsaenz youqgaenj ndaw baugau. (Gauh Yuzginh/高如金)



Lozcwngz: Raed Ceij Angqhoh Ngeihcib Daih Dangj Raeuz Hai Ndei Hai Sat

罗城: 剪纸庆祝党的二十大胜利闭幕

10 nyied 22 hauh, youq Lozcwngz Cinghsaunenz Hozdung Cunghsinh, boubxwnjcienz dinfwngz raedceij Mulaujcuw Loz Vazcingh son gyoengq nyezrauh nyeziq dangdieg guh cozbij raedceij “angqhoh Ngeihcib Daih Dangj raeuz”, guhneix angqhoh Ngeihcib Daih Dangj raeuz hai ndei hai sat. (Veiz Yuzdai/韦如代)